

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Služba za privredu i lokalni ekonomski razvoj

## **“POTENCIJALI ZA RAZVOJ TURIZMA U NOVOM GRADU“**

**2016.**

## OSNOVNE INFORMACIJE O NOVOM GRADU ...

Općina Novi Grad Sarajevo je “ulazna kapija“ sa koridora Vc u Grad Sarajevo, i jedna je od četiri općine koje čine Grad Sarajevo, glavni grad Bosne i Hercegovine, koji predstavlja administrativni, privredni, kulturni, akademski i sportski centar zemlje.

Općina ima oko 130.000 stanovnika, što čini oko 41 % populacije Grada Sarajeva. Bošnjaci, Srbi, Hrvati, Jevreji, Romi i ostale etničke grupe žive u Sarajevu. Najzastupljenije religije su islam, pravoslavlje, katoličanstvo i judeizam.

Površina općine iznosi 47 km<sup>2</sup>, prosječna nadmorska visina je 500 m, najviša tačka je na brdu Žuč 850 m, zatim na Paljevu 820 m, te brdu Mojnilo 590 m, a najniža u Reljevu 482 m. Okružena je olimpijskim planinama Trebević i Igman sa jugozapadne i zapadne strane, a Humskim brdom sa sjeveroistočne strane, a kroz njenu teritoriju prolazi nekoliko vodotoka (Miljacka, Dobrinja i Bosna, potoci Rječica, Buča potok i Lepenica).

Općina ima izuzetno dobar geografski položaj koji se manifestuje dobrom saobraćajnom povezanosti sa centrom grada Sarajeva i ostalim dijelovima zemlje. Naročito je dobro razvijena gradska saobraćajna infrastruktura (autobus, minibus, tramvaj, trolebus) povezana sa širom regijom, te Međunarodnim aerodromom Sarajevo (sa kojim graniči u dužini od 2 km), a željeznicama i magistralnim putevima sa susjednim i drugim evropskim zemljama, te autoputem sa koridorom Vc.

Za područje općine karakteristična je kontinentalna klima sa specifičnostima kotlinskog karaktera. Prosječne temperature zraka su neujednačene i imaju izrazito maksimalne i minimalne vrijednosti u zavisnosti od godišnjeg doba. Vremenska zona: Srednjoevropska vremenska zona (GMT+1). Zvanična valuta u BiH je konvertibilna marka KM (BAM – međunarodna oznaka; 1€ = 1,95 KM).

## TURISTIČKA INFRASTRUKTURA

### **Sportsko-rekreativni kapaciteti**

Olimpijski bazen Otoka, Stadion Otoka, Sportska dvorana Srce, Sportsko-rekreativni centar Braća Kadić, Sportska dvorana Ramiz Salčin, Sportska dvorana Dobrinja, Centar za sport, rekreaciju i edukaciju Safet Zajko, Park-šuma Mojnilo, biciklistička staza (od Nedžarića prema gradu), teniski teren u Olimpijskom naselju i naselju Nedžarići, fiskulturne dvorane u okviru 14 novogradskih osnovnih škola, preko 40 igrališta na teritoriji općine.

### **Kapaciteti za kulturna događanja**

Multimedijalna sala u Općini Novi Grad Sarajevo, Kino Novi Grad, Dom za kulturu Švrakino Selo i Amfiteatar na otvorenom u okviru kompleksa Park-šuma Mojnilo, te dvorište Vile Hadžihalilovića.

### **Smještajni kapaciteti**

HOTEL SARAJEVO\*\*\*\* – bogat asortiman usluge i sadržaja po konkurentnim cijenama

Adresa: Džemala Bijedića 169 A; Kontakt: +387 33 777 900; +387 33 777 999; e-mail: [info@sarajevohotel.ba](mailto:info@sarajevohotel.ba) Više saznajte putem linka <http://www.sarajevohotel.ba/>

HOTEL EXCLUSIVE \*\*\*\*

Adresa: Zabrđe 5b; Kontakt: +387 33 580 000; e-mail: [info@hotel-exclusive.ba](mailto:info@hotel-exclusive.ba)  
Više saznajte putem linka <http://www.hotel-exclusive.ba/>

HOTEL GRAD\*\*\*\*

Adresa: Safeta Hadžića br. 19; +387 33 848 088; e-mail [info@gradhotel.ba](mailto:info@gradhotel.ba);  
Više saznajte putem linka: <http://www.hotelgrad.ba/ba/index.html>

HOTEL EMIRAN \*\*\* – luksuzni univerzitetski hotel  
Adresa: Aleja Bosne Srebrene bb; Kontakt: +387 33 255 755; e-mail: [info@emiran.ba](mailto:info@emiran.ba)  
Više saznajte putem linka <http://emiran.ba/>

HOTEL IMZIT \*\*\* – blizina sarajevskog aerodroma i olimpijskih planina  
Adresa: Lukavička cesta 121; Kontakt: +387 33 451 423; e-mail: [imzithoteli@hs-hkb.ba](mailto:imzithoteli@hs-hkb.ba)  
Više saznajte putem linka <http://hoteliimzit.ba/hotel-imzit-dobrinja.html>

HOTEL OCTAGON\*\*\* – mali luksuzni hotel nadomak sarajevskog aerodroma, smješten u mirnom dijelu naselja. Adresa: Akifa Šeremeta 48; Kontakt: +387 33 789 905, +387 33 789 907; e-mail: [octagon@hotel-octagon.com](mailto:octagon@hotel-octagon.com) Više saznajte putem linka <http://hotel-octagon.com/ba/>

HOTEL ADA\*\*\* – povoljan smještaj za grupne posjete  
Adresa: Radenka Abazovića 2; Kontakt: 033 473 971; e-mail: [info@hotel-ada.com](mailto:info@hotel-ada.com)  
Više saznajte putem linka <http://www.hotel-ada.com/>

HOTEL BP\*\*\* – blizina javne gradske infrastrukture  
Adresa: Nerkeza Smailagića 14a; Kontakt: +387 33 454-381; e-mail: [booking@hotel-bp.ba](mailto:booking@hotel-bp.ba)  
Više saznajte putem linka <http://www.hotel-bp.ba/>

Ostali smještajni kapaciteti:  
PRENOĆIŠTE "EUROPA"  
PRENOĆIŠTE "NAP-GONZO"  
PRENOĆIŠTE "ODISEJA"  
SOBE ZA IZNAJMLJIVANJE "ZEBAX"

### **Ugostiteljski objekti i gastro ponuda**

Na teritoriji općine djeluje veliki broj kafića, barova, slastičarni, restorana, ali i buregdžinica, aščinica, čevabdžinica kao specifičnih ugostiteljskih objekata za ovo podneblje. Bosanskohercegovačka kuhinja mješavina je turske, grčke i drugih mediteranskih kuhinja, uz utjecaj evropske kuhinje. Meso je skoro nezaobilazan sastojak tradicionalnog jela i služi se uz sočno povrće domaće proizvodnje, veliku ponudu salata i meze (plata sireva, suhog mesa, sudžuke). Najpoznatija gastronomska poslastica su sarajevski čevapi, te slastice baklava, tulumba, tufahija, kadaif i hurmašica.

## **TURISTIČKE ATRAKCIJE I PROGRAMI NA PODRUČJU OPĆINE**

### **Obilježja XIV zimskih olimpijskih igara**

U kulturno-historijsko naslijeđe Općine spadaju i obilježja XIV zimskih olimpijskih igara, i to Olimpijsko naselje i sportska dvorana "Ramiz Salčin".

### **Tunel spasa DB (Dobrinja–Butmir)**

Tunel je u ratu bio poznat kao jedini izlaz iz Sarajeva i tunel spasa za opkoljeni grad.

### **Zaštićeni spomenici kulture III kategorije**

Prema Urbanističkom planu Grada Sarajeva za period 1986.-2015., u zaštićene spomenike kulture III kategorije svrstani su: Memiševića čardak, Merhemića kuća, Kuća Hadžihalilovića i Kuća porodice Žiga. Pored navedenih, objekat Mehanina ili Sarića kula, također, predstavlja jednu vrstu naslijeđa i pripada tipu bosanske ishodne kuće. Ova vrsta naslijeđa je danas gotovo u potpunosti izgubljena, a rekonstrukcija je moguća na osnovu raspoložive dokumentacije, te komparacijom sa sačuvanim objektima sličnog

arhitektonskog oblikovanja. Od nabrojanih, samo Kuća Hadžihalilovića je 2007. godine sanirana i rekonstruisana.

### **Spomen-obilježja**

Na teritoriji općine postoji veći broj spomen-obilježja i mezarja iz ratnog perioda 1992-1995. U izgradnji je objekat “Dom oslobodilaca“ koji će biti sastavni dio planiranog Memorijalnog kompleksa Žuč. Također, i Tunel spasa DB je spomenički kompleks sjećanja na ratne događaje 1992-1995 – Spas u ratu - uspomena u miru. Iako je tunel povezivao Butmir i Dobrinju, danas se spomeničkom kompleksu može pristupiti samo sa butmirske strane (Općina Ilidža).

## **ZNAČAJNIJE TURISTIČKE ATRAKCIJE**

### **Centar za edukaciju, sport i rekreaciju “Safet Zajko“**

- Lokacija: Halilovići (bivša kasarna Safet Zajko)
- Radno vrijeme: 08:00-23:00 svaki dan
- Kontakt: +398 61 796 406
- Upravitelj: JP Lokom d.o.o., Osnivač preduzeća: Općina Novi Grad Sarajevo

U novogradskom naselju Halilovići u 2015. godini otvoren je Centar za edukaciju, sport i rekreaciju “Safet Zajko“, kojeg je Općina Novi Grad Sarajevo izgradila u kompleksu nekadašnje kasarne. Time je Sarajevo dobilo najveći park i mjesto gdje će građani moći uživati u sportu, rekreaciji, prelijepom prirodnom ambijentu i odmoru. U narednom periodu uslijedit će i obogaćivanje sadržaja u skladu sa finansijskim mogućnostima.

Od ukupne površine Centra “Safet Zajko“, koja iznosi 11 hektara, zelenim površinama pripada nešto manje od 54.500 metara kvadratnih, dok je ostali dio prostora upotpunjen raznovrsnim sadržajima, poput atletske staze koja je do sada postojala samo u okviru Stadiona Koševo. Pored toga, na uređenom prostoru od oko 50.000 metara kvadratnih, nalazi se stadion sa umjetnom travom, igralište za odbojku na pijesku, košarkaško igralište, dječija igrališta, sala za borilačke sportove, fitnes na otvorenom, ugostiteljski objekti, a uz sve to i besplatna wi-fi mreža. U Centar se može doći pješke ili biciklom preko pješačkog mosta u Nedžarićima, ali i motornim vozilima saobraćajnicom pored Carinskog terminala Halilovići. U okviru Centra obezbijeden je i parking prostor. Signalizacija je relativno dobro razvijena.

### **Park-šuma Mojnilo - Eko kuća**

- Lokacija: Mojnilo
- Radno vrijeme: 08:00-16:00 svaki dan
- Kontakt: +387 33 774 590
- Upravitelj: JP Lokom d.o.o., Osnivač preduzeća: Općina Novi Grad Sarajevo

Park-šuma Mojnilo smještena je na brdovitom terenu, na nadmorskoj visini od cca 597 m, sa kontinentalnom klimom i izraženim sjevernim i južnim vjetrovima. Ovaj lokalitet predstavlja “zelenu zonu” za odmor i rekreaciju u blizini gradske sredine i lako je dostupan pristupnim putevima i stazama svim zainteresovanim osobama sa područja općine, grada i šire regije pješke, vlastitim automobilom ili redovnom minibuskom linijom Otoka–Mojnilo. U okviru kompleksa postoji Eko-kuća izgrađena i opremljena po uzoru na arhitekturu bosanske kuće, a u okviru koje se služe topli i hladni bezalkoholni napitci, i sa hortikulturno uređenim okolišem na površini od cca 12 hektara različitim vrstama sadnog materijala sa različitim sadržajima za odmor i rekreaciju (igrališta, klupe, trim staza, pješačka staza, amfiteatar na otvorenom i sl.). JP “Lokom” d.o.o., javno preduzeće koje je Općina osnovala, vrši upravljanje nad lokalitetom Park-šuma Mojnilo. Signalizacija do datog lokaliteta je relativno dobro razvijena.

### **Olimpijski bazen**

- Lokacija: Bulevar Meše Selimovića 83 B
- Radno vrijeme: 07:00-23:00 svaki dan
- Kontakt: +387 33 773 850; [info@bazen.ba](mailto:info@bazen.ba); <http://bazen.ba/>
- Upravitelj: JP „Olimpijski bazen Otoka“ d.o.o. Sarajevo; Osnivač: Grad Sarajevo

Izgradnjom natkrivenog Olimpijskog bazena u skladu sa savremenim standardima stvoreni su uslovi za afirmaciju i razvoj plivačkog sporta, ne samo u gradu i Kantonu Sarajevo, nego i u čitavoj Bosni i Hercegovini. Ovim bazenom Sarajevo je dobilo najljepši i najfunkcionalniji objekat ovakve vrste u regiji, a koji se nalazi na teritoriji općine Novi Grad Sarajevo.

### **Stadion Otoka**

- Lokacija: **Bulevar Meše Selimovića 83A**
- Radno vrijeme: 00:00-24:00 svaki dan
- Kontakt: +387 33 463 - 128; <http://www.lokom.ba/index.php>; [info@lokom.ba](mailto:info@lokom.ba)
- Upravitelj: JP Lokom d.o.o.; Osnivač preduzeća: Općina Novi Grad Sarajevo

Kompleks raspolaže sa glavnim fudbalskim stadionom, tribinama, svlačionicama, zatim sa dva trenažna igrališta koja se koriste za rekreaciju i treniranje. Glavni stadion koristi naš jedini premijerligaš u muškoj konkurenciji Olympic Sarajevo, te ŽNK SFK 2000 Sarajevo, višestruki prvak BiH u konkurenciji nogometašica.

### **Dvorana “Ramiz Salčin“**

- Lokacija: Ul. Semira Frašte 21
- Radno vrijeme: 08:00-23:30 svaki dan
- Kontakt: +387 33 467 446; <http://www.lokom.ba/index.php>; [info@lokom.ba](mailto:info@lokom.ba)
- Upravitelj: JP Lokom d.o.o.; Osnivač preduzeća: Općina Novi Grad Sarajevo

Dvorana je sagrađena za potrebe održavanja 14. zimskih olimpijskih igara 1984. i bila je u funkciji do 1992. godine, kada je devastirana i zapaljena u toku ratnih dejstava. Međutim, 2007. godine je obnovljena u skladu sa savremenim standardima za sportske aktivnosti i predstavlja kapacitet za održavanje brojnih sportskih takmičenja od međunarodnog značaja. Uz sportske aktivnosti, dvorana je pogodna i za održavanje sajamskih aktivnosti i većih poslovnih susreta.

### **Sportsko-rekreativni centar „Srce“**

- Lokacija: Ul. Adema Buče bb, Buča Potok
- Radno vrijeme: 00:00-24:00 svaki dan
- Kontakt: +387 33 782 445; [info@lokom.ba](mailto:info@lokom.ba)
- Upravitelj: JP Lokom d.o.o.; Osnivač: Općina Novi Grad Sarajevo

U sklopu centra se nalazi sportska dvorana, park, kao i košarkaško igralište, te dva dječija igrališta. Sportska dvorana izgrađena je u skladu sa važećim standardima i može se koristiti za dvoranske sportove: košarku, odbojku, mali nogomet, rukomet, i bit će od velike koristi za sve generacije koje dolaze.

### **Bosanska tržnica**

- Lokacija: Trg djece Dobrinje bb (kod slastičarne Kup)
- Radno vrijeme: 08:00-18:00 svaki dan
- Kontakt: +387 33 291 292; +387 33 291 235; + 398 33 291 184; Bosanska tržnica - Facebook stranica
- Praćenje realizacije projekta: Služba za privredu i lokalni ekonomski razvoj Općine

U cilju konkretnog doprinosa i stimulansa za proizvodnju i potrošnju domaćih prehrambenih proizvoda, Općina Novi Grad Sarajevo je obnovila devastirani objekat skloništa u kojem je sada smještena Bosanska tržnica. U ovoj tržnici prodaju se domaći i organski proizvodi i preradevine, i to od poljoprivrednih zadruga: OPZ Tarevci – Modriča, OPZ Eco-life – Stolac, OPZ 3E – Skelani, Srebrenica, Obrtnička djelatnost Theca - prirodna kozmetika, OPZ Agrofood – Konjević Polje, Udruženje Bjelimićani, zatim Klas d.d., Brojler d.o.o., Mujanić d.o.o.

### **Biciklistička staza i šetnice Novog Grada**

Biciklistička staza na dionici Otoka – Nedžarići predstavlja dio jedinstvene biciklističke staze kroz grad Sarajevo, koja se dalje produžava prema Centru za edukaciju, sport i rekreaciju „Safet Zajko“ uz tendenciju izgradnje u pravcu Nedžarići – Dobrinja.

Općina Novi Grad Sarajevo ulaže velike napore i finansijska sredstva u svrhu podizanja novih zelenih površina i šetnica, te održavanja postojećih.

### **Park prijateljstva**

- Lokacija: Dobrinja V, u blizini Dobrinjske gimnazije i Pete gimnazije, te Vile Hadžihalilovića

Savremeni i moderno opremljeni park posjeduje površine za odmor i rekreaciju za sve uzraste, nalazi se u blizini Vile Hadžihalilovića i Dobrinjske gimnazije, a u svom sastavu ima sadržaj: „agh sakkal“, što u prijevodu znači „za bijele brade“, odnosno starije osobe, zatim muzički, dječiji i sportski paviljon.

Također, u sastavu parka nalazi se spomenik Sve zone parka povezane su pješačkim stazama, zelene površine su ukrašene hortikulturnim sadržajem, a ljubitelji sporta imaju na raspolaganju stazu za trčanje dugu gotovo kilometar, zid za sportsko penjanje i stolove za stoni tenis.

Park ukrašava i staza urađena u motivu azerbejdžanskog ćilima. Izgradnju je finansirao međunarodni fond "Hajdar Aliyev".

### **Kino Novi Grad**

- Lokacija: zapadno krilo Općine Novi Grad Sarajevo, Bulevar Meše Selimović 97
- Radno vrijeme/projekcije: četvrtak-petak-subota od 20:00 sati, i dječije projekcije: subota 13:00 sati i nedjelja 13:00 i 17:00 sati
- Kontakt: +387 33 291 296, +387 33 291 162; [kinonovigrad@gmail.com](mailto:kinonovigrad@gmail.com)
- Upravitelj: JP Lokom d.o.o.; Osnivač: Općina Novi Grad Sarajevo

Kino raspolaže sa 283 stolice. Projekcijska sala opremljena je savremenom digitalnom opremom, i to: 2K digitalni projektor, 7.1 surround zvuk i platno veličine 8x4m sa mogućnošću 3D projekcija. Lokacija kina je lako dostupna svim vidovima prijevoza, a omogućen je i besplatan parking za posjetioce.

### **Kulturno-sportska manifestacija Novogradski dani kulture i sporta**

- Lokacija: teritorija općine Novi Grad Sarajevo
- Vrijeme održavanja: tokom mjeseca juna svake godine (31. maj - 30. juni)
- Kontakt: +387 33 291 325

Ove godine će se održati 20. tradicionalna manifestacija "Novogradski dani kulture i sporta". Ova manifestacija organizuje se svake godine u periodu 31. maj - 30. juni. Bogata je raznovrsnim programskim sadržajima namijenjenim od najmlađih pa do najstarijih sugrađana. Dakle, manifestacija traje mjesec dana, programske aktivnosti su kulturno-sportskog karaktera i održavaju se na više lokacija u okviru novogradske teritorije, te u različitim vremenskim terminima: koncertne aktivnosti različitih muzičkih žanrova, pozorišne predstave, izložbe umjetničkih radova, književni i pjesnički susreti, filmske projekcije, druženja i izleti za određene kategorije društva, sportska takmičenja. U okviru Novogradskih dana, obilježavaju se i značajniji datumi i događaji iz historije Općine, odnosno države Bosne i Hercegovine. Lokacije za sve programske sadržaje su lako dostupne svim vidovima transporta, a ukoliko

ne, Općina organizuje vanredni autobuski prijevoz. Promociju programa tokom mjeseca juna vrši Općina putem pisanih i elektronskih medija.

### **Sarajevo Film Festival u Novom Gradu**

- Više informacija o programu: <http://www.sff.ba/>

Iz godine u godinu Općina Novi Grad Sarajevo i Sarajevo Film Festival realizuju program filmskih projekcija za odrasle i djecu tokom trajanja festivala i to u Kinu Novi Grad, te na otvorenom na atraktivnoj lokaciji na Dobrinji, čime je jedinstvena festivalska atmosfera dovedena i u ovu lokalnu zajednicu. Bitno je napomenuti da je Sarajevo Film Festival jedan od vodećih u regiji, i obično se održava sredinom mjeseca augusta u trajanju od osam dana sa projekcijama na više lokacija i termina u gradu. 22. Sarajevo Film Festival planirano je da se održi u periodu 12.8.-20.8.2016. godine.

## **KULTURNO-HISTORIJSKO NASLIJEĐE NA TERITORIJI OPĆINE**

### **Merhemića kuća – Halilovići**

Merhemića kuća u Halilovićima pripada tipu ishodnih kuća ugledne trgovačke sarajevske porodice. Merhemić koja je sagrađena početkom dvadesetog stoljeća. Objekat je 1949. godine stavljen pod zaštitu države kao vrlo rijedak primjer potpuno očuvane ishodne kuće/ljetnikovca. Objekat je loše ili nikako održavan, a u posljednjim ratnim dejstvima potpuno je uništen. Status dobra: Zaštićeno dobro baštine; Zemaljski zavod za zaštitu spomenika kulture i prirodnih rijetkosti NRBiH Sarajevo.

### **Kuća porodice Žiga – Dobrinja**

Kuća porodice Žiga također pripada tipu ishodne kuće ugledne sarajevske porodice. Pretpostavlja se da je ova kuća građena prije više od 300 godina, a njena izvorna arhitektura sačuvana je sve do rata 1992-1995. Kuća je u ratu teško oštećena, a kasnije i urušena zbog izostanka sanacije i rekonstrukcije.

U okviru parcele porodičnog imanja nalaze se ostaci objekta koji je po kazivanju, najvjerojatnije služio kao privatna tekija, ali su podaci o periodu gradnje i informacijama kojem tekijskom redu pripada, izgubljeni. Kuća je evidentirana kao dobro baštine u Separatu zaštite kulturno-historijskog i prirodnog naslijeđa za Regulacioni plan Dobrinja kao dobro baštine koje posjeduje visoku arhitektonsku i dokumentarnu vrijednost

### **Memiševića čardak (Sarića čardak) – Mihaljevići, Crnotina**

Vlasnik objekta je bio Ibrahim ef. Sarić, a 1898. godine objekat je prešao u vlasništvo njegove kćeri Aiše udate Memišević. Poslije njene smrti 1943., objekat su naslijedila njena djeca. Namjena je stambena – ljetnikovac, a period izgradnje prva polovina 19. stoljeća namjenski kao ishodna kuća. Objekat je imao izgled kule, po čemu su ga u selu i nazivali “kulom“. Do ratnih dejstava 1992-1995. objekat je bio relativno dobro očuvan, a kasnije je potpuno spaljen, dok je sačuvan samo čošak objekta u prizemlju i temelji objekta. Status dobra: Pravna zaštita Republičkog zavoda za zaštitu spomenika BiH

### **Hadžihalilovića vila – Dobrinja**

Vila, također, pripada tipu ishodnih kuća kakve su nekada gradile sarajevske ugledne porodice. Objekat kakvog danas poznajemo je gradnja izvedena sredinom tridesetih godina prošlog stoljeća, na mjestu starog koji je bio potpuno srušen i kao takav predstavlja moderniju gradnju svog vremena sa primjenom pojednostavljenih oblikovnih elemenata i korištenjem modernih materijala. Vila je čuvana i održavana kroz tri generacije kao centar okupljanja i odmora porodica, a postala je poznata po orijentalnoj biblioteci. Tokom agresije na BiH, objekat je znatno oštećen, a 2007. počeli su radovi na sanaciji i funkcionalnoj rekonstrukciji Hadžihalilovića vile. Nakon izvedenih radova, objekat je namijenjen za održavanje kulturnih manifestacija književnog, likovnog i muzičkog stvaralaštva, za protokolarne sastanke, poslovne

susrete, promocije, turističke manifestacije, prezentacije i slične manifestacije od značaja za Općinu Novi Grad Sarajevo.

### **Mehanina ili Sarića kula u selu Mihaljevići, Crnotina**

Objekat je predstavljao stambenu kuću pravouganog tlocrta, na dvije etaže – prizemlje i sprat. Objekat je bio izgrađen od tradicionalnih materijala sa temeljima od kamena. Objekat je imao izgled nekadašnjih kula.. Prema načinu ukrašavanja može se pretpostaviti da objekat datira iz kasnog turskog ili ranog austrougarskog perioda, te je moguće da je objekat bio rekonstruisan u više navrata. Vlasnik je bio Ibrahim ef. Sarić, a 1956. godine objekat je prešao u vlasništvo porodice Mehanija. Tokom ratnih dejtava 1992.-1995. objekat je potpuno spaljen, sačuvani su ostaci prizemlja sa demirima i kopcima od kovanog željeza zatrpani zemljom i obrasli šikarom. Uz ostatke objekta nalazi se očuvana česma manjih dimenzija u vidu betonskog stuba i sa manjim kamenim koritom.

## **Turističke destinacije i atrakcije lako i brzo dostupne iz Novog Grada**

Više informacija o značajnijim turističkim atrakcijama, kulturno-historijskom i prirodnom naslijeđu, te manifestacijama koje određuju destinaciju Sarajevo, a koje su iz Općine Novi Grda Sarajevo dostupne svim vidovima prijevoza u radijusu od 5 km do 15 km, na zvaničnoj web stranici Turističke zajednice Kantona Sarajevo <http://www.sarajevo-tourism.com/>.

U turističkim info-centrima mogu se dobiti sve informacije i savjeti koji će vam pomoći da se što bolje snađete u Sarajevu. U ovim centrima, također, mogu se dobiti i besplatne mape i publikacije koje će olakšati kretanje Sarajevom. Glavni turistički centar smješten je nedaleko od glavnog trga na Baščaršiji, a na raspolaganju je i Turistički info-centar na Sarajevskom aerodromu.

- Glavni turistički Informativni centar: 033 580 999; e-mail [tourinfo@bih.net.ba](mailto:tourinfo@bih.net.ba); adresa: Sarači 58.

### **Top 10 atrakcija prema izboru Turističke zajednice Kantona Sarajevo:**

1. Baščaršija i Sebilj - lokacija: Stari Grad
2. Vijećnica - lokacija: Stari Grad
3. Muzej Sarajevskog atentata i Latinska ćuprija - lokacija: Stari Grad
4. Spomenički kompleks "Tunel spasa" - lokacija: Ilidža i okolina aerodroma
5. Evropski Jerusalem - lokacija: Stari Grad
6. Bijambarska pećina - lokacija: okolina Sarajeva i planine (Zaštićeni pejzaž "Bijambare")
7. Bjelašnica i Igman - lokacija: okolina Sarajeva i planine (olimpijske planine)
8. Vodopad Skakavac - lokacija: okolina Sarajeva i planine (Spomenik prirode)
9. Vrelo Bosne - lokacija: Ilidža i okolina aerodroma (Spomenik prirode)
10. Selo Lukomir - lokacija: okolina Sarajeva i planine

## **KORISNE INFORMACIJE**

Pozivni broj za BiH – Sarajevo	+387 33
Policija	122
Vatrogasci	123
Hitna pomoć	124
Pomoć na putu	1282
Javni prijevoz	<a href="http://www.gras.ba/">http://www.gras.ba/</a> ; <a href="http://www.centrotrans.com/">http://www.centrotrans.com/</a> ;
Željeznički saobraćaj	<a href="http://www.zfbh.ba/">http://www.zfbh.ba/</a> ;
Taxi prijevoz	Sarajevo taxi: 033 15 15; Žuti taxi: 033 663 555; Crveni taxi: 033 760 600;

	<a href="http://sarajevo.co.ba/servisi/javni-transport/taxi-prevoz/">http://sarajevo.co.ba/servisi/javni-transport/taxi-prevoz/</a> ;
Međunarodni aerodrom Sarajevo	033 289 100; <a href="http://www.sarajevo-airport.ba/">http://www.sarajevo-airport.ba/</a> ;
JP BH Pošta d.o.o. - Poštanske usluge	Call Centar 1312; <a href="http://www.bhp.ba/">www.bhp.ba</a> ;
EuroExpress d.o.o. (Fedex licenca) - Poštanske usluge	<a href="http://euroexpress.ba/">http://euroexpress.ba/</a> ;
Intime d.o.o. (TNT distribucija) - Poštanske usluge	<a href="http://www.in-time.ba/">http://www.in-time.ba/</a> ;
Banke	<a href="https://www.unicreditbank.ba/home/wps/wcm/connct/ucb_ba/utills/index/index">https://www.unicreditbank.ba/home/wps/wcm/connct/ucb_ba/utills/index/index</a> ; <a href="http://www.intesasanpaolobanka.ba/">http://www.intesasanpaolobanka.ba/</a> ; <a href="http://www.hypo-alpe-adria.ba/bs/">http://www.hypo-alpe-adria.ba/bs/</a> ; <a href="http://www.bbi.ba/bs/">http://www.bbi.ba/bs/</a>
Mjenjačnica Exclusive Change	Konzum Centar Dobrinja - Bulevar Mimar Sinana br.1; 033 789 475; Mob.: 063 393 366;
Mjenjačnica – Partner banka BBI	Peny Plus market - Trg solidarnosti bb – Ali-pašino Polje B-faza, kontakt: 033 591 997
Novac se može zamijeniti u mjenjačnicama, bankama ili poštama. Većina mjenjačnica u gradu Sarajevu radi od 09:00 do 21:00, dok je radno vrijeme većine banaka od 08:00 do 18:00 radnim danima, te od 09:00 do 13:00 subotom. Glavna pošta otvorena je od 07:00 do 20:00 od ponedjeljka do subote. Radno vrijeme tržnica je svaki dan 07:00-16:00/17:00.	
Javna ustanova Dom zdravlja Kantona Sarajevo - Organizaciona jedinica Novi Grad	033 653 878; 033 277 600;
Univerzitetski klinički centar Sarajevo	033 297 000;
JU Apoteke Sarajevo - Dežurna apoteka na Dobrinji	033 766 380;
Treća policijska uprava Novi Grad	033 451 211;
GREEN VISIONS d.o.o. – Tip: penjanje i showshoeing, biciklizam, seoski turizam (Putnička agencija)	033 717 290; <a href="http://www.greenvisions.ba/">http://www.greenvisions.ba/</a>
CENTROTOURS d.o.o. (Putnička agencija)	033 407 407; <a href="http://www.centrotours.ba/">http://www.centrotours.ba/</a>
AVY Travel d.o.o. (Putnička agencija)	033 802 522; <a href="http://avy-travel.ba/web/">http://avy-travel.ba/web/</a>
Vizni režim Bosne i Hercegovine	<a href="http://www.mvp.gov.ba/konzularne_informacije/vize/Default.aspx">http://www.mvp.gov.ba/konzularne_informacije/vize/Default.aspx</a>
Državni praznici (neradni dani):	Neradnim prazničnim danima rade samo dežurne prodavnice i institucije
1. i 2. januar – Nova godina	
1. mart – Dan nezavisnosti BiH	
1. i 2. maj – Međunarodni praznik rada	
25. novembar – Dan državnosti BiH	

## KONTAKT INFORMACIJE

Općina Novi Grad Sarajevo [www.novigradsarajevo.ba](http://www.novigradsarajevo.ba)

Bulevar Meše Selimović 97, 71 000 Sarajevo

**Služba za privredu i lokalni ekonomski razvoj**

**Odsjek za lokalni ekonomski razvoj**

Anera Kečo

Tel. 00 387 33 291 302

E-mail: [anera@novigradsarajevo.ba](mailto:anera@novigradsarajevo.ba)